

Olăyän Ənniyät Əlkəttabän - Good Mind Scriptures

Marqəs 5:15 Osän-dd äddinät edägg wa iha ɺisa, ogäzän-dd amälšon wa s-käla t-ih' ejhän n-alšinän, äqqiima, ij' isəlsa, təh'-e day tijya n-iman-net.

Luqa 8:35 Osän-dd äddinät äwinafätten a-wa ijän, ogäzän-dd ähaləs wa däy-ikkäs ɺisa alšinän, äqqiima edes i-iðarän n-ɺisa, ijä isəlsa, h'-e day tijya n-iman-net; ärmäyän.

Ijital n-Inəmmușal 17:11 Əssəknän-tän käl-ayrəm wa n-Biri tärha tojärät ta n-käl-Täslonika, ed əntäneñ, əslän i-mäjräd n-Mässinäy ȳas, omänän sär-s šik, ad-yarrän hak ašäl əlkəttabän, tassänän a-wa hasän-itawännen tidət mey.

Ijital n-Inəmmușal 20:19 təssanäm əmmək wa s-äsräsäy iman-in data-wän däy-älxidmät wa hey i-Emäli. A-wen, jey-t s-imetławän d-ahänay n-talyiwen sámumnen sär-i dd-orawän käl-Älyähud.

Käl-Roma 7:25 Təmmal i-Mässinäy däy-äddimmät n-ɺisa Älmasex-i n-Emäli-nänäy hanäy-ijrəwän ad-dd-nəkkəs errawän-nänäy däy-a-wen-däy. Ämära, ənniyät-in, alämär wa n-Mässinäy a-s äkkiilät, a-s ija a-wen, tayəssa-nin ənta, alämär wa n-abäkkad a-s täkkilät.

Käl-Roma 8:6 Ijmađ-t äššäk a-s a-wa tärha tayəssa n-ägg-adəm, tamättant ȳas a sär-s dd-itirəw, a-s ija a-wen, Unfas ənta, tämudre ta n-tidət d-älxer a dd-itiirəw s-ägg-adəm.

Käl-Roma 8:27 Tidət a-wen, Mässinäy-i issanän a-wa ihän ulhawän, issan day a-wa ihän ənniyät n-Unfas. A-wen-däy a fäl ənta, erhet n-Mässinäy a itattär i-iməşseddəjän.

Käl-Roma 11:34 Mi issanän a-wa ihän ənniyät n-Emäli?

Käl-Roma 12:2 Wär təlkemäm i-a-wa fäll-təgl' äddunya-ta-däy, änn-ak äyyät Mässinäy ad-isəynəy ənniyätän-näwän i-ad-tudabem azəmməzli däy-a-wa ämoosän erhet-net, wa olăyän, a-wa has-ijrəzän d-a-wa ifrənän.

Käl-Roma 12:16 Nəmənnəkät jer-iman-näwän s-älxal, wär tətteräm a-wa där-wär togdehäm wäla a-wa wär təmoosäm, särəsät iman-näwän, wär jem iman-näwän äddinät s-wär t-illa a-s wädden əssanän-t.

Käl-Roma 14:5 Iyyäđ äddinät, ija ȳur-sän a-s ill'-e ašäl ufän iyyän, ija ȳur-iyyäđ a-s, a-di, wär-əzleyän härät; äyyät hak äwadəm d-a-wa orda, igdäh ȳas ad-ikna ukəs n-äššäk däy-a-wa iha.

Käl-Roma 15:6 Afäl ija a-wen, ad-nətłəf iyyän n-ənniyät, näqqayəm nətəmmal Mässinäy-i n-Abba-i dd-izjär Emäli-nänäy ɺisa Älmasex.

1 Käl-Kurənta 1:10 Ayətma! Əttaräy däy-wän däy-idəm n-Emäli-nänäy ɺisa Älmasex d-ad-tahərəm iyyän n-emm, wär itəmmalet bäddo-bäddo wäl' iyyän jere-wän, äjät härät iket-net s-iyyät tayətte d-iyyän n-ənniyät.

1 Käl-Kurənta 2:16 Ənta-den-däy a-wa äsdättät Mässinäy a-s innä: «Mi issanän a-wa ihän inəzjam n-Mässinäy bärşey ad-has-umas enəsdebbär?» Näkkäneđ-i omännen, ikf'-anäy Älmasex ənniyät wa t-ihän.

2 Käl-Kurənta 7:7 Äsdäwät-anäy ass-net, äsdäwen-anäy day isälan-näwän wi däy-näy ija. Illäyät əmmək wa s-t-täsbäläläm, ija däy-näy isälan n-awraf wa hanäy-

jäm, illäyät-anäy day tisnant ta jäm däy isälan n-a-wa ijän; iglă har hanäy-innä a-s ašrut wa-nin a tärmäsäm däy-isälan-win-däy har ämära, näkk a fäll-täknasäm d-išenja-nin. Əsley i-isälan-en-däy yas, ässakäyäy däy-tedäwit.

2 Käl-Kurənta 8:12 Ere ikfän härät i-Mässinäy s-ulh imdan, ikf'-e s-ənniyät n-a-wa ila wadden a wär-ila, ad-ijrəz ḥlxal-net i-Mässinäy, Mässinäy day, wär däy-näy-e ittar a wär nəla, wäla a wär näddobät. (1 Chronicles 28:9)

2 Käl-Kurənta 9:2 ed diha t-təlläm, təjlayäm hullan däy-a-wen. Iwwäy-dd sär-i faw a-wen ad-käwän-amələy dat-imumənän wi əzzäynen teje ta n-Masidunya; ənney-asän a-s: imumənän-wi hänen teje ta n-Akaya, wa-däy n-ənhadjan əmmək i-ad-ədhələn imumənän wi əzzäynen Älyəhudəyät. Hannäyäm ämära a-s əjjəluyät-näwän, oräw-dd derhan s-äddinät äjjootnen n-ad-arəjän əntäneq-däy.

2 Käl-Kurənta 13:11 Ədarät-a-wen day, ayətma-y, däwätät, umasät meddən əmdanen, işdajät, nəmsəkkuyədät jer-iman-näwän, ətəfət iyäy n-ənniyät, nəmhirəjät däy-əlxer i-ad-käwän-idhəl Mässinäy-i dd-ijän tärha d-əlxer.

Käl-Ifäesus 4:23 Äyyät Mässinäy ad-isəynəy inəzjam-näwän, aj'-iwän äddinät ärjaşnen s-tayətte täynayät,

Käl-Fəlibb 2:2-5 Ämära d-jäm tartit jat s-iyäy n-ulh, kunta tärham ad-hi-ijrəz a-wa häm, adiš, nəmətəfət jer-iman-näwän, tənmərhəm jer-iman-näwän, tumasäm şund iyäy n-əwadəm, talähäm d-äddinät oharnen iyäy n-ittus. 3 Wär təjjät a däy-wär kəttəwäm ar iman wi-näwän, wär səjarät iman-näwän äddinät, ənn-ak, sərəsät iman-näwän, təjəm faw äddinät wi iyäyən jənnəj-wän. 4 Wär toşeläm yas darät tənfa n-iman-näwän, ənn-ak, immäyet hak iyäy däy-wän i-a-wa he infun tamətte iket-net. Tälälät ənniyät wa fäll-igla ɻisa Älmasex, təgləm fällə-s käwəned-däy.

Käl-Fəlibb 4:2 Iwədyə d-Sintəkyə-i n-şätma-näy, ettaräy däy-snät ad-əjənät əlxer jer-iman-näsnät, etəfənet iyäy n-ənniyät däy-alkum-näsnät i-Emäli.

Käl-Fəlibb 4:7 afäl jäm a-wen, ad-aj Mässinäy əlxer däy-ulhawän-näwän, aj'-asän igguz ojärän a-wa s-äddobät ənniyät n-ägg-adəm ad-t-dd-awəy, asäy ulhawän-näwän d-ənniyät-näwän d-ɻisa Älmasex. (Inn'-asän 26:3)

Käl-Kuləs 3:12 Şämad äddinät äsinäfrän Mässinäy a təmoosäm, ij'-iwän iməssheddəjän s-tətbat tärha ta hawän-ija, adiš, nəmədənät təhanint käwəned-däy jer-iman-näwän, tənmədhələm jer-iman-näwän, isərəset hak iyäy iman-net dat-amidi-net, iżadät jer-iman-näwän, tənməzəzzəydəräm,

2 Käl-Täslonika 2:2 tažidert, wär-itäggädet əwadəm wäl' iyäy d-ənniyät-näwän, wär səryasät i-əwadəm wäl' iyäy ayəšad n-iman-näwän s-a has-dd-ənifalälən wäla s-a nənna wäla s-täkarde hawän-in-nəktab däy-nənna a-s ašəl n-uyəl n-Emäli äru dd-osa.

2 Timoti 1:7 fäl-a-s, Unfas Şäddijän wa hanäy-ikfä Mässinäy, wär hanäy-itəjj iməjjəjədən, ənn-ak, ikf'-anäy-t i-ad-hanäy-äkf tärna, d-tärha d-tanhaqt däy-iman-nänäy.

Titus 2:6 Änn şund a-wen-däy i-imawađän, səmmətər-tän d-ad-tän-iwar särho däy-härät iket-net.

Yäbranitän 8:10 Afäl okäyän əzzäman, ad-ahäräy ərkawäl d-ehän wa n-İşrayil; ərkawäl-en, ənta da a-wa fäll-ibdäd: ad-ajäy tijəttewen n-alämärän-in däy tiyətwen-näsnän, əktəbäy-tänät fäll-ulhawän-näsnän, umasäy Mässinäy-i n-Mässi-

săň, umasăň tamətte-nin.»

- 1 Bətrus 1:13 Təssəba n-a-wen-däy a fäl, əsimätäräy-kawän d-ad-täqqayməm təjbasäm, ყaymät jam ənniyät, äjät ätämä-nawän iket-net däy-a-wa kawän-e-äkf ყisa Älmasex ašäl wa dd-e-infiləl.
- 1 Bətrus 5:2 Ənta da a-wa där-kawän-äsimätäräy: tayälift-nawän tahrut n-imumənän ta kawän-issäyläf Mässinäy, äjät-as tamäđint ta mad-äj amäđan i-tahrut-net, wär has-jem tamäđint kawän-tähhuuššälät, ənn-ak, umaset-awän a-wen a jam d-iman-nawän däy-erhet n-Mässinäy. Wär jem a-wen əssəbab n-akäraš n-ehäre wärän xälal, ənn-ak, ədgəzät däy-a-wen s-ulhawän əmdanen s-iqqud.
- 2 Bətrus 3:1 Ayətma-γ-i əkney tärha, täkarde-nin ta s-sənatät hawän-in-əktäbäy a-wa. A-wa hawän-in-əktäbäy däy-snät iket-net, i n-ad-kawän-säyräy, səmmətäräy-kawän i-ad-təkrəşəm tayətte ta ihäkk Mässinäy.
- Jaqub 1:17 Wär t-əllen isuf olaynen wäla-i əfrannen s-wädden işənnawän a dd-falän ყur-Mässinäy-i n-Abba dd-ixläkän e d-t-illäm ənnur, ənta-i wärän itəməskil, wär-oleh d-tele-i timtəttiyät. (Äyyuba 23:13)
- Tänäfalilt 17:9 Edägg-wa-däy, əniihäjja d-təla n-tayətte d-särho. Iyäfawän n-ämudär wi n-əssa a-s əssayät tiğayen ti fäll-täqqima tamäđt,

Läbasän Ənniyät Əlkəttabän - Bad Mind Scriptures

Marqəs 7:21 fäl-a-s ammas n-ulh n-ägg-adəm a dd-itəffal erk ənniyät wa n-abjənjən, iba n-täkrakiđt, tikra, iji n-iman, (Ezeyä 38:10)

Luqa 12:29 Wär kawän-daggäżnet inəzjam n-a-wa mad-təkşəm d-a-wa mad-təswəm.

Ijital n-Inəmmušal 12:20 A-s itäjj a-wen-däy, ih' ađkär n-iyärman wi n-Tir d-Säyda əmäñokal Harudəs. Təssəba n-ad-äj älxer där-sän a fäl dd-äšmašälän iyärman-en əlžämayät n-älyafyät. Änmännakän d-Blastas-i ənnihäđän däy-ehän n-ämäñokal Harudəs d-a-wa t-dd-iqqälän iket-net. Ənta-en-däy a däy-əttärän ad-ilgəđ əmäñokal i-ad-äj älxer ed isudar-näsän teje-ten-däy fäll-ixkäm Harudəs a dd-təffalän.

Ijital n-Inəmmušal 14:2 mäšan, əssənkärän-dd käl-Älyähud wi s-äqqurän ulhawän-näsän inəzzulam, jän däy-sän erk iman i-ad-əşşunjen äddinät-wi omännen s-ყisa.

Käl-Roma 1:28 Şämad, unjäyän s-ad-uksađän Mässinäy, iśläy-asän ənta-däy däy-xorəzzəma wa əkfän iman-näsän, immär härät tiyətwen-näsän, ad-tän-işilləw a əsikärakädän wärän itətwəjj.

Käl-Roma 8:6,7 Ijmađ-t äşşäk a-s a-wa tärha tayəssa n-ägg-adəm, tamättant ყas a sär-s dd-itirəw, a-s ija a-wen, Unfas ənta, tämudre ta n-tidət d-älxer a dd-itiirəw s-ägg-adəm. 7 Äwadəm wa wärän izənnəzjumət ar däy-a-wa fälla-s tärha tayəssa-net, ašänjo n-Mässinäy, wär-äddobät asrəs n-iman-net dat-alämär n-Mässinäy, wär t-äddobät kud t-irha-däy.

Käl-Roma 11:20 Tidət lab a-wen mäšan, əlməd a-s iba n-immun-näsän a fäl hin-əttənkädän, tätwäsärmämäd-dd däy-edägg-näsän ed tomänäd. ყas, wär sakaf iman-näk, uksađ Mässinäy!

- 2 Käl-Kurənta 10:5 nəsibəggut əttəkəbru wa sabdadən dägg-adəm i-ad-əgdələn i-
ăddinät muzəyät n-Mässinäy. Nətattär ad-ənnähäd Mässinäy däy-ənniyät n-hak
ägg-adəm i-ad-ämaşäl erhet n-Älmasex.
- 2 Käl-Kurənta 11:3 Mäšan, ässirmäy-ahi a-s, tassayt ta n-tidət jäm d-Älmasex,
ăbas däy-s təjlayäm. Hannäyäy a-s tärham, ad-təşləyäm i-tabarät s-əmmək wa
s-has-təşləy Xəwwa-i təkkärräs taşşält, təşnämäşräy-tät.

Käl-Ifäsus 2:3 Äddinät-win-däy, kala däy-sän näddin näkkäned-däy, nəlkam ყas i-
derhanän wi läbasnen n-tiyəswen-nänäy d-erk inəzjam-nänäy; ässiitbät a-wen
tumast-nänäy n-käl-äddunya wären əzley d-imidiwän-näsän. Wär hin-äqqima
ყas ar ad-fälla-näy dd-izəzzubbət Mässinäy aḍkär-net s-əmmək wa s-t-dd-mad-
izəzzubət fäll-äddinät wi iyıäđnen t-wären äksud.

Käl-Ifäsus 4:17 Ämära, a-wa, ənneyt-t, tiləsäy day tənna-net däy-təssəba n-Emäli:
wär tolehäm d-inəzzulam -i wären əgla ar fäll-mäləyäyna n-älxal,

Käl-Kuləs 1:21 Käwəned day i s-ibda, jan-käwän erk inəzjam-näwän d-erk imojjan-
näwän, imajarän d-işənja n-Mässinäy, (Tangalen 21:27; Ezekyä 23:17)

Käl-Kuləs 2:18 Wär toyem əwadəm wäl' iyıän isiləbbudän tayəssa-net, əlmət
əmmək-wen-däy a-s isaras iman-net dat-Mässinäy, wäla i iyabbädän änjalosän,
ija däy-wän tasäja fäl-a-s innin itajj a wär təjjəm. Äddinät wi işilləw a-wen,
sakafän iman-näsän, jannen s-bahu a-s a-wa tän-işlän, Mässinäy a hasän-t-dd-
äsnäfalälän däy-täharjit, wär hasän-täsjädäm fäl-a-s inəzjam-näsän, wär-əglen
ar fäll-a-wa fäll-təgl' äddunya.

1 Käl-Täslonika 5:14 Ayətma, näsmätär-käwän d-ad-täytəläm äddinät wi
əmišärşärnen wären ərha älxidmät s-ăşşahät-näsän, səkkuyədät wi ha tasäja,
ədhələt wi lämmeđnen, zəzzidärət fäll-äddinät iket-näsän.

2 Käl-Täslonika 2:2 tažidert, wär-itäggädet əwadəm wäl' iyıän d-ənniyät-näwän,
wär səryasät i-əwadəm wäl' iyıän ayäşad n-iman-näwän s-a has-dd-ənifalälän
wäla s-a nənna wäla s-täkarde hawän-in-nəktab däy-nənna a-s aşäl n-uğəl n-
Emäli äru dd-osa.

1 Timoti 6:5 d-tamädašt wärət məddəw jer-äddinät s-təfray tayətte-näsän. Wär-
əssenän tidət, jan äddin äsaru s-əbbäyärən.

2 Timoti 3:8 Əmmək-wa-däy s-ămyännan Yanis d-Yinbris tidət i-ənnäbi Mosa,
əmmək-wen-däy day a-s tattärän meddən-en-däy asəbbəggü n-tidət. Meddən-
en, tayətte-näsän, təfray, wär-ibded immun-näsän fäll-härət

Titus 1:15 Äwadəm wa s-şäddij ulh-net, şäddij-as day härət iket-net; mäšan
äddinät wi n-inämäşrayän s-ămmidəsän ulhawän-näsän, wär t-illa a data-sän
şäddijän ed ənniyät-näsän hakd-däy ammas n-ulhawän-näsän, ămmidəs.

Yäbranitän 12:3 Zənəzjumətät ყas däy-Visa, təktum-dd əmmək wa s-t-ənkärän
inäsbäkkədän d-ayäna wa inhäy mäšan, işmär i-a-wen-däy iket-net, dihen wär
fälla-wän-e-tämmät tayəssa-näwän, wär-e ismađ ašni-näwän.

Jaqub 1:8 ed əwadəm šund-wen, ənimäntäş, ija əssin ulhawän, wär t-illa a däy-
itbat.